

皇清經解續編

皇清經解彙編

皇清經解續編卷六百六十五

南菁書院

求古錄禮說三

臨海金鶚誠齋著

四阿反坫考

逸周書作雒解云乃位五宮大廟宗宮考宮路寢明堂咸有四
阿反坫孔晁注謂反坫外向室也案外向之室不見于經傳惟
門外塾之室可稱外向然未聞名爲反坫且大夫士皆有塾不
獨天子有之也況反坫文承四阿下與重亢重郎常累復格相
承皆言堂上棟宇之制其非門外之室明矣黃東發日鈔引此
以證論語郊特牲反坫謂立反坫於臺門之外如今行在所之
騏驥院又謂兩君之好欲容其儀衛之衆故爲外向之室非反
爵之坫也然明堂位云反坫出尊崇坫康圭是知論語郊特牲

反坫實反爵之坫也大門外有兩塾已足容儀衛之眾何必又
爲外向室乎特是論語郊特性反坫可解爲反爵之坫而逸周
書反坫卻不可解爲反爵之坫以文在四阿重亢重郎之間不
宜於此言反爵之物況反爵之坫諸侯亦有之而四阿重亢重
郎等制則天子所獨有是此坫非以反爵明矣竊思堂之四隅
有坫屋之四隅曲而翻起爲阿四阿反坫者謂阿反于坫上也
阿有在屋之前後者取於曲經曰阿之義廣雅云四起曰檐宇
京曲京曰阿屈曲司馬彪注莊子謂之阿閣五架屋前爲廡廡之爲言閣也
云阿屋檐也古詩阿閣三重階言阿垂于階也此則自天子以至于士昏禮所謂當阿也土昏禮
當阿今文阿爲廡是阿在楣前鄭注以阿爲棟非也阿有在屋之四隅者取於偏高阿邱之
義爾雅釋邱既言前後左右之高又四隅檐宇曲而翻起如阿

邱之高聳故曰四阿此則惟天子有之斯干詩言宣王之宮如

輦斯飛以四隅之阿言也

如鳥斯革言前後之檐阿也如輦斯飛以四隅之檐阿言之也前後檐阿

雖亦曲而稍起但不若四隅之高故前後如鳥之張其翼四考隅則如輦之飛起也孔疏謂斯革斯飛言檐阿似鳥飛未確

工記殷人重屋四阿此天子之明堂也然天子不特明堂有四

阿大廟路寢皆有之

四注惟明堂有之四阿則大廟路寢皆有鄭注以四阿爲四注非也詳天子諸侯屋

有四四阿翻起于坫上故曰四阿反坫反之爲言翻也諸侯大

夫士四隅檐宇雖亦稍起而不高翻故不謂之阿而謂之榮榮

一曰屋翼但如翼之張而已四阿反坫當以四字爲句與下重

亢重郎常累復格等以二字爲句者不同故特首列之重亢重

郎常累復格皆在內四阿則在外自外說向內也又天子之宮

所以異于諸侯者重屋也四阿也止此二事重亢重郎常累復

格皆重屋之制

孔晁注重亢累棟也重郎累屋也常累系也復格累芝栴也案郎與廊通前漢董仲舒傳游于

巖郎之上郎即廊也

上林賦高廊四注重坐曲閣是廊為檐宇也巖廊謂廊之高峻者即上林賦所謂高廊也晉灼注漢書以

廊為堂邊廡非也重郎即明堂位重檐孔晁以累屋解之亦未

的復格惠半農以為即復竿是也凡覆于上者皆謂之屋重屋

非徒復竿也重亢重郎

四阿止二字與下不稱因加反玷二字

常累復格皆重屋也

以足之且阿有在旁在隅之別曰四阿反玷明其在四隅者見

其為天子之制也孔晁不得其解亦以二字為句釋四阿為四

下

四下猶四注也失與考工記注同

反玷為外向室後儒莫能指其失故特正

之

五穀考

五穀自古無定論鄭康成注疾醫五穀謂麻黍稷麥豆據月令

為說也其注職方五穀則以為稻黍稷麥菽有稻而無麻與素

問金匱真言論合趙岐注孟子高誘注淮南子

脩務訓神農播五穀相土地宜

漢書音義引韋昭說皆與此同盧辯注大戴禮楊倞注荀子

效儒

篇相高下視境肥序五種

顏師古注漢書皆與疾醫注同王逸注楚辭大招

又以爲稻稷麥豆麻則稻麻竝舉而無黍逸周書言五方之穀

曰麥黍稻粟菽

粟卽梁也

則無麻稷而有粟管子言五土所宜之種

曰黍稷菽麥稻

稷卽稷之黏者

則無麻粟而有稷諸說不一皆非確解

近程氏瑤田通藝錄九穀考極辨秦漢以來稷梁溷一之非至

詳且悉而于五穀之名猶未考定也鶚謂五穀者以其爲飯者

而言也飯爲食之主軀命攸關故孟子謂五穀熟而民人育也

然則五穀可得而定矣曰黍稷稻粱麥何以知之周官膳夫王

食用六穀食醫會膳食之宜牛宜稌羊宜黍豕宜稷犬宜粱雁

宜麥魚宜苽可知六穀爲稌黍稷粱麥苽也內則言飯黍稷稻
粱下又言麥食苽食可知六者皆可爲飯矣六穀以稻粱爲美
古人貴者老者食稻粱賤者少者食黍稷黍稷稻粱爲常食麥
苽則暫食之秦風每食四簋毛傳云四簋黍稷稻粱玉藻注謂
諸侯日食粱稻各一簋內則疏謂諸侯朔食四簋黍稷稻粱天
子則加以麥苽可知常食者黍稷稻粱也觀內則言飯只列黍
稷稻粱而于麥苽則別舉于後可見矣苽爲雕胡其米所出頗
少惟天子諸侯得暫食內則注以蝸醢苽食以下十六物爲人
君燕食孔疏以爲諸侯之禮則諸侯亦
得食苽不而麥則貴賤皆食之職方氏青州宜麥董子謂春秋
獨天子也
麥禾不成則書之可見聖人於五穀最重麥禾然則六穀去一
而爲五穀當存麥而去苽矣故知五穀爲黍稷稻粱麥也若菽

與麻古人用爲籩實以佐飯不以爲飯也惟極貧之家大饑之
歲或以菽爲飯檀弓所謂啜菽飲水謂民食半菽者也麻飯
經傳惟仙家有胡是則五穀不當數麻菽矣稻粱爲最美之穀
麻飯非常人所食日食所需而諸家數五穀反或逸之不亦謬乎月令素問逸周
書管子或別有取義皆不可以定五穀之名也

星辰說

星者五行之精聚而爲五星也

水曰辰星火曰熒惑木曰歲星金曰太白土曰填星

辰者

天之十二次卽二十八宿也

辰爲日月所會所會卽在二十八宿如孟春日在營室是會于室宿

也五星爲緯二十八宿爲經故與日月列而爲四太陽爲日太

陰爲月少陽爲星少陰爲辰

本邵子皇極經世說此天之四象也星屬日

故文从晶从生

見說文

晶省卽爲日也辰屬月故辰有十二月亦

有十二也淮南子云日月之淫為精者為星辰見天訓逸周書云

星以紀日宿以紀月今本作辰以紀日案此篇所言九紀即左傳六物而析時為四又文選注引九紀作

九星以為日月星辰四時歲今本以辰宿日月春夏秋冬歲為九紀宿即辰則辰當為星矣辰蓋星之譌也孔晁解辰為日月

所會是在晉與漢書律厯志音以紀日律以紀月之理同蓋星時已譌矣

與音皆合五行五行各有二故以紀十日如甲乙木丙丁火是也辰與律

皆十有二故以紀十二月此皆星屬日辰屬月之證也左傳昭

年以歲時日月星辰為六物周語以歲日月星辰為五位鄭注

虞書以星辰司中司命觀師兩師為六宗注小宗伯以日月星

辰為四類小宗伯云兆五帝于四郊四望四類亦如之先鄭云四類日月星辰海在四望之中不在四類後鄭改為

辰是也但云兆日于東郊兆月與觀師于西郊兆司中司命于南郊兆雨師于北郊則其說未當大宗伯言祀日月星辰司中

司命觀師兩師星辰在司命司中之上與日月並列何以無兆當云兆日于東郊兆月于西郊兆星于南郊兆辰于北郊所謂

兆四類于四郊也兆司中司命于南郊兆飄師雨師于北郊與星辰當別為壇蓋星辰祀以實柴司中司命等祀以櫛燎也

又曾子天圓篇以星辰之行與日月之數對左傳星辰之神與山川之神對祭法謂日月星辰民所瞻仰與山林川谷對淮南

子謂星辰天之期與日月天之使對天受日月星辰與地受水

潦塵埃對是辰與星別不得以星辰為一物也虞書言厯象日

月星辰中庸言日月星辰繫焉列子天瑞篇言日月星宿宿即辰也積

氣之有光耀者淮南子言星辰以之行原道訓曰象曰繫曰光曰

行明是有星周禮凡兩言二十八星不得以次舍為無星也益稷疏謂日月合宿之辰

非有形容可畫是以辰為無星也諸書皆言星辰而列子言星

宋儒因有天無星處皆辰之說宿又可為辰即二十八宿之一證也虞書堯典偽孔傳云星四

方中星辰日月所會孔疏云此星辰共為一物鄭注亦以星辰

皇清經解賣扁求古錄禮說三

為一果爾則左傳何以稱六物周語何以稱五位乎且五星為

在天最大之星其行有遲畱伏逆厯象何獨遺此乎四方中星即二十八

宿是不及五星矣堯首命羲和治厯舜首察璣衡以齊七政其事正同

鄭注以七政為七緯日月五可知厯象必及五星矣尚書大傳

七始謂天地人春夏秋冬其說非是史記以七政為北斗七星七星亦主七緯則仍不遺五星也又月令云乃

命大史司天日月星辰之行宿離不忒毋失經紀以初為常宿

離猶言躔離鄭注離讀如儺偶之儺謂其屬焉相氏保章氏相與宿偶審候非也日月五星皆躔

二十八宿亦可知五星與日月並重治厯者所必及也淮南子

言星月之行可以厯推其明證矣孔疏乃謂敬授人時無取五

星謬矣蔡傳謂星兼經緯亦非也周語云歲在鶉火日在天駟

月在析木之津辰在斗柄星在天龍即元韋昭注云斗柄斗前

枹也

也星辰星也斗指斗牛之斗辰星謂水星可知凡以日月星辰
類舉者星必指五星非二十八星也周禮馮相氏掌十有二歲
十有二月十有二辰十日二十有八星之位此十二辰指自子
至亥十二支左傳所謂浹辰

成九年傳
浹辰之閒

淮南子所謂十日十二

辰合而爲六十者也辰非二十八宿故星亦非五星注疏引周

語五位解之非也夫星之文从日與日爲一類禮運云天秉陽

垂日星惟其從日故諸星惟五緯最大而明鄭風云明星有爛

爾雅以啟明釋之郭注云太白星也韓詩亦云太白晨見東方

爲啟明鶚冠子云天者明星其稽也此則統言五星

陸佃注以
明星爲二

十八宿然二十八宿多有古文星从晶晶精光也

見說

光精故

明然則星之本義當專指五星說文云萬物之精上爲列星釋

名云星散也列位布散也非本義也辰從月月之光不大明故

二十八宿中有最小而暗者

如女鬼之類

可知諸家以星爲二十八

宿非正義也星辰之解當以鄭君大宗伯注爲最確大宗伯云

以實柴祀日月星辰注云星謂五緯辰謂日月所會十二次賈

疏云辰卽二十八宿也不當日月之會直謂之星若日月所會

則謂之宿謂之辰謂之次此星辰正義也然對文則別五星非

辰二十八宿非星散文則通五星亦可言辰二十八宿亦可言

星惟星辰可互通故閒有合爲一物者諸經惟益稷洪範孟子

保章氏星辰當合爲一而所指又各不同益稷日月星辰是繪

於衣穆天子傳天子葬盛姬建日月七星左傳云

桓二年

三辰旂

旗律厯志以三辰爲日月北斗

詳招搖在上解

是所畫者日月北斗也

畫於衣當與旗同以星辰爲一章可知此星辰爲北斗也公羊

傳云

昭十七年

大火爲大辰伐爲大辰北辰亦爲大辰春秋繁露

奉本

篇

以北辰爲北斗尙書大傳旋機謂之北極亦卽北斗是北斗

亦可稱辰矣保章氏志日月星辰之變動注云五星有羸縮圜

角故謂變動二十八宿爲恆星不變可知此星辰爲五星也

下文

星土分星是二十八宿

皋陶謨撫于五辰五辰爲五行周禮凡以神仕者

掌三辰之灋注以三辰爲日月星此星字該得廣五星亦在其

中是五星亦可稱辰矣

辰時也日月星皆示人以時故稱三辰

洪範言五紀三曰

星辰二十八宿爲四時中星可紀節次五星則不然可知此星

辰爲二十八宿也孟子言星辰之遠苟求其故千歲之日至可

坐而致推日至用列宿而不用五星趙岐注云星辰日月之會

可知此星辰亦爲二十八宿也周禮有二十八星堯典鳥火虛

鼎皆言星是二十八宿可稱星矣若五星得專辰之稱者惟水

星二十八宿得專辰之稱者惟心房淮南子云辰星正四時常

以春分効奎婁

注云効見也

夏至効井鬼秋分効角亢冬至効牽牛

出以辰戌入以丑未一時不出其時不和故水星得專辰名也

左傳云

昭元年

商邱主辰又云

昭十七年

火出于夏爲三月三月爲建

辰之月故心星得專辰名也

辰爲大火大火心星也

初學記引夏小正八

月辰則伏注云辰房星農字从辰說文農房星爲民田時者也

故房星得專辰名也至于星之專指二十八宿者洪範星有好

風好雨

箕好風畢好雨

月令季冬星回于天召南嘒彼小星唐風三星

在天

鄭箋以此類是也

祭法幽宗祭星史記天官書星者金之

散氣注云眾星列布在野象物在朝象官在人象事此星字泛

說指有名者而言漢書天文志所謂中外官凡百七十八名積

數七百八十三是也

祭法兼五星史漢不兼五星

論語眾星其北辰春秋公莊

七年星隕如雨此星亦泛說并兼無名諸小星而言也

論語經緯星皆在內

春秋專指無名諸小星

此皆散文則通之例也推而廣之日月亦可言星

馮相氏掌天星下言日月星辰是天星內有日月逸周書日月

列九星中此日月可言星也日月與星同稱三光故其義得通

要之皆非星辰本義也豈可以通義而沒其本義哉

二句總結對文則別

以下若夫邵子謂天無星處皆辰朱子以辰爲天壤漢儒初無此

說其謬可不待辨而明矣

屋漏解